

Pressebericht Starckenburger Echo

27.01.2007

Neue Wege

Kinner, wie die Zeit vergäiht. Ruck, zuck, is ball schun wärrer de erschde Monat vum neije Johr rum. In de negschd Woch hämmer Maria Lichtmess: „Wenn´s an Lichtmess stürmt un schneit, is de Frühling nimmäi weit. Isses äwwer klar un hell, kimmt de Lenz noch net sou schnell.“ Gut, gälle?

De Februar is, wie jeder waaß, de kärzeschde un gleichzeidisch de kältschd Monat. Deshalb schun jetzt moin Wunsch an de Petrus: Mach koa Fissemadende un loss „Väterchen Frost“ dehoam, woann in drei Woche unser Fassebutze mit Sching-da-rassa-bum uff die Strooß mache. Bevors sou weit is, sin äwwer erschd-emooll die Saalfasnoachter an de Reih. Hait owend sin die Hoambescher un die Kolpingsbrieder drou, doann kumme die Bottschlorn un die Hutzelschweizer, de Frauenbund, die Kärshaiser un Erbäscher un wer waaß ich net noch alles. Helau, Hepprum, vor allem Helau uff unsern Schirmherr Hans-Jürgen un uff die Fraa Zugmarschall, es Bärbelche. Doin Ukas gefellt mer als.

An Stoff gibt´s fä die Fasnoachter des-Johr waaß-Gott genunk: Nibelungenloand, Rothaus, Halwe Mond, Hepprumer Stillstand, Tiergaadestrooß un vor allem die „Neuen Wege“ im Landratsamt – neue Wege is nadierlich gut. Liewe Herr: Hunnerttausende in de Sand gsetzt un trotzdem noch iwverzeugt devu, die Beschde, Gräischde un Schenschde zu soi. Wer in de Privatwärdtschaft sou schlambisch schafft, wärd ausem Tempel gejoagt, bis dasser die Schlabbe verliert. Besser uffeme oalde Wäg hinkend ans Ziel kumme, als wie middeme naggelneije Flitzere uffem neije Wäg iwwers Ziel nauschieße. Mä kann a soage: Net jeder Bessem, wu nei is, muss deshalb gut kehren. En fasnachtliche Extratusch uff unsern houchverehrte, arig beliebte un iwver jeden Zweifel erhabene Herr Lehmburg: Tä, tä, tä un humba, humba, tä-tä-rä uff unsern „Mister Neue Wege“.

Un nadierlich en Narrhallamarsch fä die Genosse. Jetzt griecht unser Hepprum demnegschd doch noch en „Seniorenrat“. Motto: „Die Alten zum Rat, die Jungen zur Tat.“ Klasse, super, bravo un bravissimo. Ehr, Lait, des wärd woas gäwwe. Unner uns un ganz ehrlich: In unsre Baddeije hogge jetzt schun faschd alles Senjorn. Ich wunner mich schun seit e-paar Johrn, dass die Dame un Herrn immer noch im Amtshouf tage. „Normalerweis“, hot de Dummbaidels-Toni die Woch gemoant kadde, „deen die veel besser ins Café Runzel basse“. Un doann horrer uff die Ce-De-Uh, wu schoint´s voll mitzieht, gschennt wie-en Rouerspatz. De Toni is faschd schun filosofisch worn. „Wer auf einmal für alles offen ist“, horrer in soim beschde Houchdeitsch gsoad, „kann nicht ganz dicht sein.“

Technisch betracht, stimmt des. Naja, de Toni. Es is hoald en geborene Dummbaidl. Letschd horrer mer soi Diätprogramm gschickt. Die Sach is goanz oafach – uffgebasst: „Wer abnehmen möchte, sollte keine Vorspeise essen und statt des Hauptgerichts lieber auf den Nachtisch verzichten.“ Woann des net funkzjoniert, waaß ich a nimmäi weirer.

Woas anneres, ehr Lait: Ich bin momendoan im Kroankehaus. Nix Schlimmes zwar, äwwer doch net sou harmlos, dass ich´s weirer uff die loang Bank schiebe kennt. Ich hoff trotz allem, dass ich mich in de negschd Woch wärrer bei Eich melde kann.

Eijer Bawett

27.1.2007